

Kršćani u džamiji i muslimani u crkvi

Najtiražniji egipatski i arapski dnevni list El-Ahram u broju od 18.08.2010. u rubrici *Osvrt na ramazan* donosi vijest koja je u međuvjerskom suživotu skoro nepoznata. U petak 13.08.2010., trećeg dana ramazana za vrijeme džume-namaza dok je imam bio na minberi neočekivano je stigla grupa kršćana Kopta iz susjedne crkve udaljene samo desetak metara od džamije, i posjedali sa muslimanima pomno slušajući hutbu. Kršćane je predvodio episkop Makarije . Nakon hutbe prišao je mikrofonu i muslimanima čestitao ramazan. Dva dana nakon ovog događaja u nedjelju za vrijeme održavanja svete mise muslimani iz spomenute džamije krenuli su prema crkvi uzvraćajući tako kršćanima posjet. Ova je pojava i u Egiptu bila veliko iznenađenje, jer još se nikada nije dogodilo da su pripadnici dviju nebeskih religija na ovakav način pokazali toleranciju i suživot.